

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Stručna služba za zajedničke poslove**

Broj: 17-14-36457-9

Sarajevo; _____ godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst), a na preporuku Komisije za ustupanje usluga u postupku javne nabavke za ustupanje usluga tekućeg održavanja telefona, telefonskih centrala i telefonske mreže Kantona Sarajevo u 2017. godini - (Zapisnik o pregledu i ocjeni ponuda broj: 17-14-36457-8 od 12.01.2017. godine, načelnik Stručne službe za zajedničke poslove Kantona Sarajevo, d o n o s i:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za ustupanje usluga u postupku javne nabavke za ustupanje usluga tekućeg održavanja telefona, telefonskih centrala i telefonske mreže Kantona Sarajevo u 2017. godini i dodjeljuje se prvorangiranom ponuđaču „**ERLANG**” d.o.o. Sarajevo, prema dostavljenoj ponudi broj: 001/17 od 06.01.2017. godine u ukupnoj vrijednosti od **12.839,27 KM** (sa PDV-om).

Član 2.

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada je ponuđač obaviješten o izboru najpovoljnije ponude.

Izabrani ponuđač je dužan dostaviti originalne dokaze ili ovjerenje kopije po članu 45. stav (1) tačka a) do d) Zakona o javnim nabavkama u roku od 10 (deset) dana, nakon što bude obaviješten od strane Ugovornog organa o rezultatima postupka nabavke, a u skladu sa protekom žalbenog roka i u skladu sa odredbama tenderske dokumentacije.

Izabrani ponuđač nije dužan dostaviti originalne dokaze ili ovjerene kopije po članu 47. stav (1) tačka c) – Bilans stanja i bilans uspjeha za 2015. godinu, jer je u svojoj ponudi dostavio ovjerene kopije Bilansa stanja i bilansa uspjeha za 2015. godinu.

U slučaju da izabrani ponuđač propusti da dostavi originalne dokaze ili ovjerene kopije u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, [www:http://sszp.ks.gov.ba](http://www.sszp.ks.gov.ba), istovremeno sa upućivanjem iste ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-36457 od 28.12.2016. godine – Ustupanje usluga tekućeg održavanja telefona, telefonskih centrala i telefonske mreže Kantona Sarajevo u 2017.- godini. Javna nabavka je provedena putem postupka: Konkurenstki zahtjev za dostavu ponuda. Procijenjena vrijednost javne nabavke bez PDV-a iznosi 20.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem: 1230-7-2-91-3-63/16 dana 30.12.2016. godine u 11:32 h.

U skladu sa Pravilnikom o nabavci roba, vršenju usluga i ustupanju radova, odnosno provođenju otvorenog postupka, Komisija za ustupanje usluga je nakon isteka roka za dostavu ponuda dana 09.01.2017. godine do 12,00 h, zapisnički konstatovala da su za predmetnu javnu nabavku predviđenom roku i uredno zatvorenim kovertama, dostavljene ponude ponuđača:

Rb	PONUĐAČ
1.	"SILNICA" d.o.o. Sarajevo, ul. Dr. Silve Rizvanbegović br. 22
2.	"INTELS" d.o.o. Sarajevo, ul. Džemala Bijedića br. 160
3.	"ERLANG" d.o.o. Sarajevo, ul. Hamdije Kreševljakovića br. 61

U skladu sa Odlukom o pokretanju postupka, Komisija za ustupanje usluga, formirana Odlukom broj: 17-05-30813 od 19.10.2016. godine, provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku. Zapisnik o pregledu i ocjeni ponuda broj: 17-14-36457-8 od 12.01.2017. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda tri (3)
- da je blagovremeno zaprimljeno ukupno tri (3) ponude
- da nema neblagovremeno zaprimljenih ponuda
- da ponude ponuđača "SILNICA" d.o.o. Sarajevo, "INTELS" d.o.o. Sarajevo i "ERLANG" d.o.o. Sarajevo, ispunjavaju formalno-pravne uslove za učešće u kvalifikacijama, kao i sve tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke Ustupanja usluga tekućeg održavanja telefona, telefonskih centrala i telefonske mreže Kantona Sarajevo u 2017. godini kako slijedi:

Rb	PONUĐAČ (naziv i sjedište)	Broj bodova
1.	"ERLANG" d.o.o. Sarajevo, ul. Hamdije Kreševljakovića br. 61	100,00
2.	"SILNICA" d.o.o. Sarajevo, ul. Dr. Silve Rizvanbegović br. 22	81,57
3.	"INTELS" d.o.o. Sarajevo, ul. Džemala Bijedića br. 160	81,40

U skladu sa kriterijem "ekonomski najpovoljnija ponuda" sa potkriterijima: cijena 90% i način plaćanja 10%, ugovor se dodjeljuje prvorangiranom ponuđaču „ERLANG” d.o.o. iz Sarajeva u ukupnoj vrijednosti nabavke 12.839,27 KM (sa PDV-om) i način plaćanja 180 dana. Za predmetnu nabavku će se zaključiti okvirni sporazum.


Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku.

Ponudač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Pripremila: Samira Duraković, dipl.iur.
Kontrolisala: Đulesma Malagić, dipl.pravnik



NAČELNIK
Fikret Jašarević

Prilog:

1. - Zapisnik o pregledu i ocjeni ponuda broj: 17-14-36457-8 od 12.01.2017. godine

Dostaviti:

1. Svim učesnicima u postupku javne nabavke,
2. a/a.